

AURKEZTU BEHARREKO AGIRIAK

1. Parte-hartzaile guztiek agiri hauek aurkeztu beharko dituzte parte hartzeko eskabidearekin batera:

A) Hezkuntza administrazio honek 2010-2011 ikasturteaz geroztik onetsitako eta deitutako lekualdatze-lehiaketetako batean parte hartu duten izangaiei, zein **lekualdatze-lehiaketan parte hartu zuten azkenekoz, hartan lortutako behin betiko puntuazioa berretsiko zaie**, honekin bat:

–Puntuazioa berretsiko zaie Hezkuntza Administrazio honek dei egindako lekualdatze-lehiaketa horietan parte hartu zuten langileei, salbu praktiketako funtzionario gisa lehiatu ziren langileei.

–Parte hartu zuten azken lehiaketan lortutako behin betiko puntuazioa berretsiko da, salbu eta merezimenduen baremoaren I. atala, Irakasleak Hautatzeko eta Lanpostuak Betetzeko Zerbitzuak ofizioz baloratuko baitu.

–Parte-hartzaile horiek hobetutako merezimenduak **aurkez ditzakete**, baldin eta kasuan kasuko lekualdatze-lehiaketaren deialdirako eskaerak aurkezteko epea bukatu ondoren hobetuak badira, bai eta 1.2, 4., 6.4 eta 6.6 atalei dagozkien merezimenduak ere, baldin eta karrerako funtzionario izendatu aurretik hobetu badira eta espediente pertsonalean jasota ez badaude.

–Puntuazioa berresteko baldintzak betetzen dituzten interesdunek eskaerak aurkezteko aplikazio telematikoa eskuratu dezakete azken lekualdatze-lehiaketan lortutako behin betiko puntuazioa. Orobat, aplikazio horretan adieraziko zaie interesdunei noiz bukatzen zen eskaerak aurkezteko epea parte hartu duten azken deialdian.

–Behin betiko puntuazioak berretsiko dira deialdi honen I. eranskinetako merezimenduen baremoan ezarritako balorazio irizpideei jarraituta.

Irakasleak Hautatzeko eta Lanpostuak Betetzeko Zerbitzuak lekualdatze-lehiaketaren puntuazioari ofizioz erantsiko dio parte-hartzaileek hobetutako merezimenduen puntuazioa, baldin eta parte hartu duten azken deialdirako

eskaerak aurkezteko epea bukatu ondoren hobetuak badira, baremoaren atal hauei dagokienez: 4.1 eta 4.2 atalak; 4.3 ataleko aholkulari lanpostuak; 5.3, 6.4 eta 6.5 ataletako merezimenduak (Nafarroako Gobernuko Hezkuntza Departamentuak izendatutako epaimahaietan parte hartzeari dagokionez), parte-hartzaile bakoitzaren espedientean dagoen dokumentazioari jarraikiz.

Era berean, ofizioz aurkeztuko da karrerako funtzionario izendatu aurretik hobetutako merezimenduei dagokien puntuazioa, 1.2, 4. eta 6.4 atalei dagokienez, betiere espediente pertsonalean jasota badaude.

Parte hartu duten azken deialdian eskaerak aurkezteko epea bukatu aurretik hobetutako merezimendu berriak aurkeztu nahi dituztelako edo konforme ez daudelako, parte hartu zuten lekualdatze-lehiaketaren azken puntuazioa **berretsi nahi ez duten parte-hartzaileek propio adierazi beharko dute parte hartzeko eskabideari dagokion laukitxoan**. Parte-hartzaile horiek, baita lehiaketa horietan parte hartu ez zutenek ere, **honako agiri hauek erantsi beharko dizkiote parte hartzeko eskabideari**, merezimenduak frogatzeko, aurkezten direnak soilik baloratuko baitira:

–Deialdi honen I. eranskinean argitaratutako baremoko 3., 4.3 ataletan (aholkulari lanpostuak izan ezik), 5.1, 5.2, 6.1, 6.2, 6.3 eta 6.5 ataletan (beste hezkuntza administrazio batzuek izendatutako epaimahaietan parte hartzea) eta 6.6 atalean aipatu merezimenduen baloraziorako frogagiriak.

B) **Euskaraz jakin beharra** duten lanpostuak eskatzen dituzten izangaiek EGA-Euskararen Gaitasun Agiriaren edo titulu baliokide baten jabe direla frogatzeko dokumentazioa aurkeztu beharko dute, salbu jadanik zerbitzu orrian jaso bada.

C) **Atzerriko hizkuntzaren profila** (frantsesa, ingelesa eta alemana) **duten irakaskuntza espezialitateei** dagozkien lanpostuetarako izangaiek PI, PF eta PALE profiletarako tituluak dituztela frogatzen duen dokumentazioa aurkeztu beharko dute, Hezkuntzako kontseilariaren maiatzaren 13ko 36/2022 Foru Aginduaren I. eranskinean jasotakoa, non ez diren jasotzen profil horiek haien espediente pertsonaletan.

D) Irakasleak Hautatzeko eta Lanpostuak Betetzeko Zerbitzuak **ofizioz sartuko ditu** baremoko 1., 2., 4.1 eta 4.2 atalei dagozkien merezimenduak; 4.3 ataleko aholkulari lanpostuak; 5.3, 6.4 eta 6.5 ataletako merezimenduak (Nafarroako Gobernuko Hezkuntza Departamentuak izendatutako epaimahaietan parte hartzeari dagokionez), parte-hartzaile bakoitzaren espedientean dagoen dokumentazioari jarraikiz.

Halaber, Irakasleak Hautatzeko eta Lanpostuak Betetzeko Zerbitzuak ofizioz baloratuko die, baremoko 6.7 atalean, zerbitzu orrian ageri den euskarazko titulazioa, euskaraz emandako espezialitate bati atxikita dauden edo horren titular diren irakasleei, ez badute behintzat parte-hartzaileek merezimenduen baremoko 3.3 atalean aipatu euskarazko titulazioaren frogagiria aurkezten eta, horrekin batera, baremoko atal honetan baloratzeko eskatzen.

2. Dokumentazioa Erregistro Orokor Elektronikoaren bidez aurkeztuko da, argitalpenen kasuetan salbu, horiek aurrez aurre aurkeztuko baitira Hezkuntza Departamentuko Erregistroan, Nafarroako Gobernuko Erregistro Orokorrean, Nafarroako Gobernuaren gainerako erregistro bulegoetan edo Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan adierazitako bideren bat erabiliz.

3. Parte hartzeko betebeharrak guztiak eta alegatutako merezimenduak eskabideak aurkezteko epea bukatzen den egunean bete beharko dira.